

Majlis Makan Malam Sirih Pulang ke Gagang @ Homecoming UPM kali ke-10

Satu Majlis Makan Malam Sirih Pulang ke Gagang @ Homecoming kali ke 10 akan diadakan pada 6 Oktober 2018 (Sabtu) jam 8 malam di Dewan Besar, Pusat Kebudayaan Kesenian Sultan Salahuddin Abdul Aziz Shah, Universiti Putra Malaysia (UPM).

Program ini merupakan majlis tradisi bagi UPM menyambut alumninya bertujuan memupuk semangat kekitaan dalam kalangan alumni, menemukan rakan lama bagi mengeratkan hubungan di antara alumni dan alma mater serta merupakan landasan untuk alumni berkongsi kenangan lama bersama bekas rakan sekuliah, pensyarah dan alumni baharu.

Program yang bermula sejak

2001 lagi ini melibatkan kerjasama erat antara Pusat Alumni UPM (ACUPM) dengan Persatuan Alumni UPM (PAUPM) dan telah digabungkan sebagai salah satu acara dalam Sambutan Hari Alumni UPM 21 Mei.

Menariknya, penganjuran program ini bagi menyahut cabaran Kempen Sumbangan Kebajikan Pelajar UPM RM10 Juta yang diamanatkan oleh Tuanku Canselor UPM, Duli Yang Maha Mulia Sultan Sharafuddin Idris Shah Alhaj Ibnu Almarhum Sultan Salahuddin Abdul Aziz Shah Alhaj yang akan hadir.

Di samping itu, akan diadakan pelancaran Majalah Alumni 'Serdang Sun' Edisi Khas Diraja yang dihasilkan oleh Pusat Alumni UPM dan Persatuan Alumni UPM bagi menambah dana kempen.



6 OKTOBER 2018 (SABTU) | 8.00 MALAM
DEWAN BESAR PKKSSAAS, UPM

bersama

DULI YANG MAHA MULIA
SULTAN SHARAFUDDIN IDRIS SHAH ALHAJ IBNI
ALMARHUM SULTAN SALAHUDDIN
ABDUL AZIZ SHAH ALHAJ

